



REPUBLIKA E KOSOVËS
REPUBLIC OF KOSOVO
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

KUVENDI I KOMUNËS PEJË

I.Numër: 060/01-42254

Pejë, datë: 30 qershor 2025

PROCESVERBAL

Nga takimi i –V- i rregulltë i Kuvendit Komunal Pejë, i mbajtur me: **30 qershor 2025** me fillim në orën 10:00 h.

Takimi u mbajt në sallën e Kuvendit të Komunës së Pejës.

Në takim prezantojnë: pos anëtarëve të kuvendit të komunës, kryetari i komunës z. Gazmend Muhaxheri, nënkryetari z. Fatmir Asllani; kryesuesi z. Rexhep Kurtbogaj; drejtorët e SHCK-së, z. Avni Gashi, udhëheqës i sektorit të kuvendit, zyrtare administrative znj. Donjeta Morina; përfaqësues të ZIP-it, përfaqësuesit të OJQ-ve dhe përfaqësues të mediave të shkruara dhe elektronike.

Në vazhdim takimin e kryesoi; kryesuesi z. Rexhep Kurtbogaj, ku e hapi diskutimin për rendin e ditës dhe i sqaroj pikat të cilat janë vendosur në rend dite, pastaj konstatoj se janë 31 anëtarë prezent. Gjithashtu sqaroj që piken 3. Procesverbalin e seancës KK-Pejë dt.29.05.2025, e tërheqim nga rendi i dites për shqyrtim dhe miratim në seancën tjetër.

Nga të gjithë anëtarët prezent, me 31 vota pro, u miratua ky rend dite me propozimin që u dha nga kryesuesi:

REND DITE

1. Aprovimi i rendit të ditës.
2. Shqyrtimi dhe miratimi i Procesverbalit të Kuvendit të Komunës së Pejës dt. 29.05.2025.
3. Shqyrtimi dhe aprovimi i Kornizës Afatmesme Buxhetore 2026-2028.
4. Shqyrtimi dhe miratimi i grupit punues për hartimin e planit të punës së Kuvendit të Komunës për vitin 2026.
5. Shqyrtimi i raportit (informatës) mbi zhvillimin ekonomik dhe turizmin në Komunën e Pejës.
6. Shqyrtimi i raportit (informatës) rreth aktiviteteve të KKSB-së.

7. Pytjet dhe propozimet lidhur me punën e Komunës, të ngritura nga anëtarët, në atë rënditje siç janë pranuar;
8. Çështje të ngritura në mbledhje nga udhëheqësi apo nga anëtarët e Kuvendit.

1.Pjesëmarrja në takim e anëtarëve të kuvendit dhe mungesat.

Në takim munguan z.Rrustem Berisha, znj.Leonora Shala, z.Granit Kelmendi, dhe znj. Fjolla Dembogaj.

2.Pjesëmarrja pr blike dhe delegacionet

Nuk ka pasur.

3.Shqyrtimi dhe aprovim i Kornizës Afatmesme Buxhetore 2026-2028.

Kryesusi Rexhep Kurtbogaj: fillimishtë kornizen afatmesme buxhetore e kemi dërgu si material ashtu siq ka ardh nga ministria korniza buxhetore e komunës së Pejës. Pastaj e kemi dëguar edhe materialin e përpunuar nga Drejtorit për Financa si material përfundimtar përkornizen afatmesme buxhetore.

Znj.Diellza Berisha: korniza afatmesme buxhetore është një dokument që miratohet çdo vit nga asambleja komunale. Hartimi i saj është një detyrim për institucionet komunale buxhetore që bëhet në përputhje me qarkoren buxhetore të aprovuar nga Ministria e Financave, punëve dhe transfereve. Procesi i zhvillimit të kabit komunal përfshin katër faza kryesore me afate kohore përkatëse. Muaji maj, draftimi i kabit. Me çrast kryetari i komunës ka nxjerrë një vendim për themelimin e grupit punues për kab dhe procesin e dëgjimeve buxhetore. Duke qenë se jam pjesë e grupit punues, më lejoni t'ju informoj se grupi punues ka mbajtur takimet e tyre dhe kanë bërë edhe ndarjen e detyrave dhe përgjegjësiive për procesin e dëgjimeve buxhetore. Si grup punues jemi në kontakt të vazhdueshëm me përfaqësues dhe ekspertë të çështjes së buxhetit nga Demosi, me qëllim që korruna e Pejës të ketë një proces të planifikimit të buxhetit sa më të mirë dhe konform rregulloreve në fuqi. Muaji qershor përfshin konsultimet publike me çrast si drejtorat kemi mbajtur konsultim publik me qytetarët e komunës së Pejës. Po ashtu në qershor aprovohet kabit , data për aprovim është deri me 31 qershor. Pas aprovimit të kabit kalojmë te procesi i dëgjimeve buxhetore. Ne si grup punues së bashku me kryetarin e Pejës kemi vendosur t'i mbajm 10 dëgjime buxhetore neper zona të Komunës së Pejës me qytetarë

4.Shqyrtimi dhe miratimi i grupit punues për hartimin e planit të punës së Kuvendit të Komunës për vitin 2026.

Kryesusi Rexhep Kurtbogaj: siç e dini bazë rregullore çdo vit jemi të obliguar që të aprovojmë planin e punës së kuvendit për vitin e ardhshëm. Gjithashtu obligohemi t'a miratojmë grupin punues që ka të bëjë me draftimin e këtij plani të punës.

Propozimet e grupit punues:

Z.Islam Husaj- LDK

Znj.Vjendita Kelmendi Gërgoci- AAK

Z.Nezir Jahmurataj-LVV

Z.Leutrim Myrtezaj-PDK

Z.Izet Koic-BIP

Nga të gjithë anëtarët prezent 30 votë pro, 1 anëtar nuk ka marrë pjesë në votimin, miratohet grupi punues për hartimin e planit të punës së Kuvendit të Komunës për vitin 2026.

5.Shqyrtimi i raportit (informatës) mbi zhvillimin ekonomik dhe turizmin në Komunën e Pejës.

Z.Naim Bytyqi: deshta me ju drejtuar drejtoreshës së kulturës sa i përket inospjesëmarrjes së opozites në aktivitete e shumta që i organizon, mirpo ju thatë që mos të folim politikishtë mirëpo aktivitetet përmbajnë politikë. Nëse e marrim pjesëmarrjen e njerëzve në proporcion apo aktivistë të sportit në proporcion me njerëzë politikë shpesh njerëz pjesëmarrës ve sportistëve apo fëmijëve nëpër festivale ku unë i konsideroj që shumca e këtyre aktiviteteve kanë karakter politikë. Atëherë nuk e di qysh mundet një opozitë me marrë pjesë në këto aktivitete.

Znj.Xhenet Syka Kelmendi: në fakt e jona është t'ju ftojme të gjithëve dhe sa i vlerësoni ju karakteret dhe rolet është çështja e juaj.

Z.Berat Ganiqi: unë nuk fola për sport , unë fola për turizëm. Nuk e di pse ndërhyri drejtoresha e kulturës rinisë dhe sportit. Shumë e vërtetë kampion je në subvencion që jo i subvencionon shokët dhe shoqet e tua, vetem nese qelin një shoqatë me luftë kpitasha keni me i subvencionuar veq a e ki shokë a shoqe. Unë kesh duke folur për turizëm se nuk fola për kulturë sepse e dim që mezi e ke mbajtur një aktivitet të Azem Shkrelit mbas sa e sa viteve. Kur jam opozitë ktu dhe të dëgjoj deri në fund mundesh edhe ti mem dëgju deri në fund, pakënaqësit tuaj shafiq qysh dush. Po thuani opozita po kundërshton ma shumë ke ide se sa kundërshtim. E kush don me pa si kundërshtim edhe je lidhur me inat për atë post që njerëzve tjerë me ju bë dëm edhe veç me i kqyr tutë për afërt me i subvencionu ki qesi përgjigje dhe këtë reagim.

Znj.Xhenet Syka Kelemendi: është vetem opinioni ytë dhe e keni pak vështirë me pranë suksesin.

Z.Nezir Jahmurataj: ne e dimë që zhvillimi ekonomik i ka katër shtylla edhe nuk mundet as kryetari e as drejtori me pasur ndonjë sukses të zhvillimit ekonomik pa u kyq të gjitha lamitë. Janë pjesë hoteleria, industria, bujqësia të gjitha së bashku. Qyteti i Pejës për me pas sukses duhet me u bë bashkë 4 drejtori sidomos drejtorja e shërbimeve komunale bën pjesë në zhvillimin ekonomik se duhet me i kqyr rrugët duhet me u mundu për me kontribu gjithë së bashku j'a kemi obligim ketij vendi.

Kryesusi Rexhep Kurtbogaj: edhe unë po e konceptoj që u tha nga anëtarët e Kuvendit që nuk ka bë komuna për turizëm. Pjesa e zhvillimit të infrastuktures në zonat e bjeshkëve edhe pjesëve ku

ka frekuentim të turistave është bërë mjaftë dhe pothuajse një përqindje shumë e madhe e buxhetit ka shkuar në atë drejtim. Mirpo komuna ka bërë mjaftë për turizëm ku është në zhvillim e sipër bizneset që operojnë në zonat e turizmit.

Z.Nasret Hajrizi: Unë nuk desha me u thellu sa i perket raportit pasi që e keni përpara jush. Sa i perket raportit që thashë primatin, ne i kemi statistikën e AK-së të cilat e qesin Pejë shëtyllë të turizmit sidomos pjesës malore. Ndërsa sa i perket turizmit në Prizren duhet me ditë që është një ditë ndërsa tek ne në Pejë e kemi katër ditë. Ndërsa sa i perket investimeve kapitale, ne si komunë, si drejtori për këto vite kemi investuar më shumë se sa krejt qeveria në komunën e Pejës. Për këto katër vite asnjë cent se ka jep qeveria e Kosovës në komunën e Pejës në drejtim të zhvillimit ekonomik sidomos Ministria e Linjes që është e zhvillimit ekonomik, dhe kur flasim duhet të flasim me letra dhe me fakte.

5.Shqyrtimi i raportit (informatës) rreth aktiviteteve të KKS-së.

Nën kryetari Fatmir Asllani: para jush e keni marrë një raport informativ lidhur me planin e punës KKS-së për vitin 2025. Ky plan është aprovuar në asamblë në fillim të vitit 2025 dhe ne jemi munduar me përpikmëri që t'i mbajmë këto takime sipas këtij plani. Janë diskutuar temat rreth shëndetësisë, arsimit dhe ambientit në këto tre takime të rregullta që janë paraparë dhe në plan. Janë diskutuar edhe temat edhe jashtë raportit. Po ashtu janë thirrur edhe institucionet tjera për raport dhe të gjitha ju kanë përgjigjë këtij raporti. Sipas planit këto tre takime janë paraparë me u mbajtur në gjashtë mujorin e parë dhe janë edhe tre takime në gjashtë mujorin e dytë. Po besojmë që me kohë do të mbërrijmë të gjitha pikat t'i diskutojmë. Po ashtu kur ftojme rreth sigurisë anëtar të tjerë jashtë institucioneve komunale ju kanë përgjigjë gjithmonë dhe shpresojmë që edhe në këto tre temat e tjera të mbetura do të përgjigjen.

Znj. Hidajete Krasniqi: para vetes e kemi një raport informues të KKS-së që i paraqiti koordinatori i këtij komisioni. Unë i kam disa pyetje ndoshta edhe disa pakënaqësi në këtë raport që janë paraqitë sa kam mund me analizu përpos komandantit të policisë që i ka paraqitur në detaje raportin për sigurinë në komunën e Pejës. Shqetësuese më është dukur raporti për shëndëtin dhe arsim është sjella e personelit mjekësor, domethënë unë nuk e di qka kanë dashur me thënë apo ndoshta kanë dashur me potencu se sikur policia një raport për punën dhe angazhimin që e bëjnë punëtorët shëndetësor nëpër të gjitha institucionet e në këtë rast kujdesi parësor ÇMF, AMF dhe në vendet ku punojnë. A është dashur të paraqitet një raport për sigurinë e tyre në vendin e punës dhe sa është përmendur lista esenciale e terapisë duke pasur parasysh që çdo mungesë e rrezikon edhe punën e personelit me krye punën e vet. Ndërsa as tek arsimi nuk kam parë ndonjë të detajuar dhe thashë prap përpos komandantit të policisë. Tek ekzekutivi po shpresojmë që është kohë fushatë rrugë troitare ndoshta po i vije fundi edhe gjimnazit të Pejës. Sa i perket shpronësimit janë kryer se në këtë mandat kurgjë tjetër s'kemi pas në këtë seancë veq shpronësime sepse dihet që përfitimet më të mëdha janë tek shpronësimet.

Z.Berat Ganiqi: raportin e kam lexuar dhe ndoshta ka pas diskutime me të gjatë aty janë diskutuar edhe çështjet që dua me i ngit. Problemi kryesor në Pejë është edhe tek raporti i komandantit është duke u bazuar në do vepra penale dhe i ka paraqitur me statistika. Për momentin problemin në Pejë është komunikacioni. Edhe nuk kemi as shifra të ndeshjeve në komunikacion, as nuk kemi ndonjë shifer a ndonjë plan të ndalimit të motorrave ose motoçikletave që i atëkeqësisht po vazhdojnë në qendrën e qytetit. Tashmë ka filluar sezona verore

dhe ka bashkëatdhetar më shumë dhe motoçikletat po pengojnë në çdo anë të qytetit. Fatkeqësisht e kemi një viktimë të aksidentit që ka ndërru jetë sot. Andaj duhet të angazhohemi bashkrishtë edhe policia duhet një angazhim më të madh të policëve në qencër të qytetit dhe ti parandalojnë këto aksidente me fatalitet, sepse javën e kaluar që shkoi patë shumë aksident me dëme në njerëz por edhe dëme materiale. Kjo është thirrja ime që KKSBB-jë të fokusohet më shumë në trajtimin e këtij fenomenit për këto tre muaj të verës.

Z.Drin Veselaj: e kam një pyetje për kryetarin e mbaj mend fushatën e 2013-es ke qenë shumë i shqetësuar për siguri. Edhe e mbaj në mend një debat televizivë dhe e pa e akuzuar kundër kandidatin edhe i pate thënë që çdo problem që ndodhë ti duhesh si kryetar me qenë ti duhesh si kryetar me qenë prezent. Po ashtu më kujtohet përgjigja e tij që ka thënë se nuk jam prokuror janë instiucionet . Sa here ke qenë prezent ti në ato se çka ka ndodhur në qytetin e Pejës si kryetar edhe pse krejt këtë delegim e ki bë te nënkryetari dhe meresh shumë pak me këtë punë përveq prezencës tënde fizike që e ke përkundrazi ti vetë je kanë ai që gjithmonë ke thënë që s'bën me delegu. Kjo është kompetencë e kryetarit.

Kryetari Gazmend Muhaxheri: po më vjen keq Drin që sa mandate je e hala s'e ke kuptuar funksionimin e KKSBB-së. Unë e udhëheqi KKSBB-në Nënkryetari është kordinatorë. Në të gjitha mbledhjet kam qenë prezent fizikisht e psikikisht. Nënkryetari është kordinatorë dhe e bë raportin e qatij komisionit të cilin e udhëheqi unë dhe ne jemi bashkë.

7.Pytjet dhe propozimet lidhur me punën e Komunës, të ngritura nga anëtarët, në atë rënditje siç jan pranuar.

Nuk ka pasur

8.Çështje të ngritura në mbledhje nga udhëheqësi apo nga anëtarët e Kuvendit.

Z.Feriz Gashi: një pyetje për drejtorinë e shëndetësisë. Drejtor keni premtuar që prej janarit të këtij viti ka me pas staf të rregulltë në QMF dentistë në Vitomericë. Përveç disa dentistëve vullnetarëve vullnetarë që e kryjnë punën aty, ki premtuar që ka me pasur? Nuk ka. Edhe ju shumë mirë e dini sa kushtojnë shërbimet për rregullimin dhe ndreqjen e shëmbëve. Unë kam pritur që vërtet ke me mbajtur fjalën edhe ke me siguruar aty ose ke me shpallë ndonjë konkurës.Kemi nevoj për dentistë në atë ambulantë. E dyta aty ka qenë një laborator e keni bartë dhe e keni çuar në Novosellë, ju e dini që Vitomerica me rrethinë ka shumë më shumë banorë nga Novosella. Më lehtë e kanë banorët e Novosellës me ardh në Vitomericë, se sa Vitomerica me krejt banorë e aj me shku në Novosellë. Ke pas premtuar që edhe aty ke me një laborator modern, nuk ka ndodhur as kjo! Pse nuk e di ndoshta na e sqaron. Kurse për drejtorinë e arsimit ose kryetari mundet me na ndihmu që shumica e fushave sportive nëpër shkolla janë të shtruar në asfaltë. A ka mundësi që mbi këtë asfalt të jepet një shtresë gome e cila ka me i parandalu shumë rreziq me të cilat ballafaqohen nxënësit. Mendoj që kjo mundet me ndil mu shumë sespe e kam parë në disa fusha. Edhe nëse rrëzohen nxënësit nuk paraet shumë rreziq ose lëndimet kishin me qenë shumë më të vogla.

Znj. Zize Hakaj Veselaj: pyetje për drejtorinë e shëndetësisë se kur kemi me u furnizu me barnat që janë më më të rëndësishme për një ambulantë. Po bëhen 5 muaj që në ambullantat në Pejë

nuk ka ampull diklofen, dexaton. Unë e di që vin prej Ministrisë së shëndetësisë por ka mundësi për rastet emergjente me na i siguru?

Z.Nezir Jamurata : unë dua me i paraqit do kërkesa para kryetarit dhe drejtorave. Kryetar po punohet kanalizimi i ujërave të zeza me i dërgu në implantin qëndror në Gorozhdevc Raushiqi dhe Loxha. Mos me u vonu me hy edhe Lybeniqi se kanalizimi i ujërave të zeza 70% ndërtu në vitin 99-en është fshat i par që e ka pasme UNDP ne e kemi bërë bashkë. Pyetja e parë a është Lybeniqi në këtë hartë të ujërave të zeza a nuk është? E dyta kërkesë është për shtëpinë e fshatit Lybeniq sespe vi in e kaluar ka thënë drejtori dhe as nuk ka filluar dhe nuk ka asnjë lëvizje. Po ashtu kemi folur 100 here për rreth rrotullimin të Raushiqit për Lugën E Baranit është i nevojshem edhe për rreth rrotullimin në Loxhë këto të dyja janë më të nevojshmet për komunën e Pejës.

Kryetari Gazmend Muhaxheri: kanalizimi Loxhë-Raushiq, deri në Loxhë e kemi përfunduar për Raushiq po ka probleme me njerzë. Prej fsh.loxhë janë mbetur edhe 1 mijë metra për me mbri tek derdhja që bëhet në Raushiq. E pastaj për me u lidh edhe Lybeniqi është më lehtë me u kry, por po ka probleme me u përfunduar segmenti Loxhë-Raushiq. Kjo rruga që po fol është me ministrinë. Ministria e ka hartu projektin dhe nuk e di tash a e shtin në planifimime buxhetore se me siguri i ka prioritetet tjera. Ndërsa shtegu i shëndetit po besoj që ka me u punu tash deri sa i vjen rendi se grantin e performancës po e hupim që dy here spo mundem me fitu kur e fitojmë shtegun kemi me përfunduar.

Z.Berat Ganiqi: në mungesë të drejtorit për shërbime publike përgjigjet kryetari, në lidhje me rrugën të çerdhja : vjetër të Pëllumbat e Paqes, një rrugë e cila po hapet dhe banorët janë duke e kundërshtuar ndodhja jeni në dijeni. Kryetar kisha propozu që njëher me i ndërpre punimet dhe me u marr vesh me banorë meqenësve ata kanë goxha pakënaqësi dhe këtë pakënaqësi tyre duhet me trajtu patjetër. E imja si opozitë o mos me t'ha hënë hiq dhe me me shti në konflikt dhe ja marrim votat aty po megjithëatë demokracia e ka një parim që edhe qytetarët duhen me qenë pjesëmarrës në rregullimet në lagje ku bëhen. Edhe një sugjerim për drejtorinë e kulturës pasi që ke fjala tek Facebook me pas kujdes me postimet mos me qit qanata e kapuqa duhet me qenë më serioze se është institucionale.

Kryetari Gazmend Muhaxheri: shumë mirë po me vjen që po j'u bjen ndër mend por këtë punë është deashur me bërë kur janë bërë hartat zonale. Problemin që e kemi tek çerdhja ku 300 prind i bijnë fëmijet e s'kundem me u kthyer ne kemi mendu me e zgjidhë duke e bërë një rrugë e cila del në Bistricë dhe ajo rrugë është 8 metra e gjonë me dy trotuare nga 1 meter e gjysë dhe është dashur me kalu në përprona private me i kry ato punë, me i kry shpronësimet dhe me dal në atë rrugë. Ajo rrugë është e planifikuar e buxhetuar me kry me bërë zgjedhje për prindërit që i qojnë fëmijet në çerdhe.

Znj.Xhenet Syka Kelmendi: sa i perket faqes së komunës është faqja zyrtare më aktive. Jo pse drejtorati është i neqantë, por puna që bëhet na obligon që faqja të jetë aktive në promovimin e aktivitetetve kulturore, rinore , sportive që ndodhin në Pejë. Jam jashtëzakonishtë e privilegjuar që faqja jonë përcjellat me një vëmendje të jashtëzakonshme. Rekomandoj ata që kritikojnë

faqen me qëllime politike dhe qëllime të tjera kish qenë mirë që gjithë kritikuesit është mirë të shikohet se çfarë nxënës dhe me çfarë nota janë vlerësuar në shkollat fillore dhe të mesme.

Z.Drin Veselaj: drejtoresha foli për diplomaci kulturore dhe tetari "Istref Beqolli" mundësishtë me krypa e marrë me diplomaci ndërkombëtare se e kena 20 metra e që gjashtë vjet u mbet duke u shetit. Kshtuqe qekjo është diplomacia ndërkombëtare, kombëtare, nacionale me krypunën për çka je aty e thirrme. Meqenëse drejtori Agron nuk është këtu, po i drejtohem kryetarit shqetësimi i parë është rruga Radavicit e cila është punuar kanalizimi dhe e kuptoj që ata e ka punuar ministria, mirëpo komuna i obligon ata operatorë që me kthi në gjerdje të mëparshme rrugën. Gjithashtu një shqetësim tjetër që e kanë ngrit qytetarët është ngritja e trotuarit në rrugën Mbretëresha Teutë, ku nganjëhere e vështirëson edhe ecjen e këmbësorve po ashtu edhe për bizneset që janë aty është një bllok i jashtëzakonshëm. Mirëpo për rregullimin e komunikacionit është duftë me pasur parasysh nese është nevoja me angazhuar një kompani e cila e ka ekspertizen e nevojshme për këtë pjesë sepse me këtë levizje që po i bëjmë nuk po mendoj që kemi me zgjidhë ndonjë problem. Unë jam deklaruar që rrethi të Kondirollt e ka bënë njëfarë barzie prej që është ndërtu. Përpara ka qenë kolona prej semaforave në drejtim të stacionit të policisë e tani është në të gjitha anët. Po ashtu kam shqetësim tjetër nga banorët tek xhamia tek gjyfatimi kanë shqetësim për ngushtimin jashtëzakonisht shumë të rruges.

Z.Islam Husaj: edhe unë e kam një pyetje për drejtorinë e shëndetësisë. Në fundvitin e vitit të kaluar është aprovuar një udhëzim administrativ të cilin e ka dërgu ministria e shëndetësisë, Udhëzimi 03/2024 për bashkë-pagesa e që mendojmë që është në kundërshtim me ligjin për shëndetsi. Kjo ngase ligji për shëndetsi i liron disa kategori nga bashkëpagesat, i liron fëmijet, pensionitët, personat me aftësi të kufizuar, personat me sëmundje kronike, gratë shtatzëna personat me kancer etj.. Kur e kemi parasysh se ligji është më i mirë sesa udhëzimi administrativ, unë mendoj që Drejtoria e Shëndetësisë duhet me vepru në këtë rast.

Në Komitetin për shëndetsi e kemi diskutu këtë çështje dhe e kemi dërgu një shkresë tek drejtori i drejtoratit. Problemi ka ardhur se ministria e shëndetësisë në E-Kosovë e ka paraqitur një link ku të gjithë qytetarët duhet ta përcaktojnë mjekun e vet familjar. Ky proces i caktimit të mjekut familjar nuk është kryer ende dhe ky udhëzim administrativ që ka ardhur në komuna kishte mundur me u aplikuar atëhere kur ishte kryer procesi i caktimit të mjekut familjar dhe bërjes së listës së pacientëve. Meqenëse Ne ato nuk i kemi, as listën e pacientëve e as zgjedhjen e mjekut familjar. Unë kërkoj që në institucionet shëndetsore të komunës tonë të respektohet ligji për shëndetsi dhe të gjitha kategoritë të cilat me ligj janë të liruara të mos paguajnë pavarësisht se ku vizitohen. Prandaj unë mendoj që kërkesa është legjitime që të rishikohet edhe njëherë vendimi i drejtorisë i cili është në fuqi, se pacientet duhet të paguajnë nga 5 euro pavarësisht nga kategoritë e liruara me ligj e me këtë vendim janë të obliguara që të paguajnë.

Problemi tjetër është që banorët e zonave të tjera po kthehen nga institucionet shëndetsore dhe nuk po u ofrohet shërbim shëndetsor. Ata të cilët janë të sinqert dhe tregojnë se ku banojnë vërtetë, atyre nuk ju ofrohet shërbimi. Ndërsa ata të cilët mund t'i gënjëjnë punëtorët

shëndetësorë, se lëtu e kam shtëpinë, atyre ju ofrohet shërbimi shëndetësor. Ne jemi larg prej asaj që ta caktojë mjekun familjar, listen e pacientave, regjionalizimin dhe pastaj kur krejt këto të digjitalizohen ose i kemi në kopje të forta atëherë mund të merren edhe vendime të tilla.

Z.Naim Bytyqi: në çështje që deshta me ngrit dhe kjo ka të bëjë me shëndetësit qytetarëve është ekspozimi në diell i pijeve në këto pikat shitëse në parkete. Për këtë çështje kam biseduar edhe me drejtoreshën e inspektoriatit dhe është munduar me qenë aktive mirpo kërkoj edhe nga ekzekutivi të ndihmohet që këto pije mos të ekspozohen në pikat shitëse në diell sepse rreziku është shumë i lartë. Athëre mendoj se të gjithë duhet të merren me këtë çështje që qytetarët mos të konsumojnë këto pije të ekspozuara në diell.

Z.Berat Ganiqi: unë nuk bëra kritik unë jepa sugjerim. Duhet me dallu kritikën prej sugjerimit. Prap më tërheqi kjo fjala diplomaci kultërore, artistike. Unë vetem thashë mos bëhen gabime me u vendos kapela e çanta në faqe në Facebook që i perket një institucionit. Ndërsa për urë kryetar nuk kritikoj shumë mirë ke bënë tregova edhe kahjen me dorë pse po e bënë urën.

Z.Labinot Panxha: meqenëse në fillimi të këtij viti dhe në vazhdimësi e kemi ngritur këtë çështje për bashkëpagesat e qytetarëve të cilët janë detyruar me i paguar edhe përkundër faktit që i ka liru ligji për shëndetësi dhe udhëzimi administrativë i këtij ligji. Prap është vazhduar edhe në spitale por edhe në qendrat e mjekësisë familjare të ju merren pagesat qytetarëve të cilët janë liru. Vetëm fjala në nenin pesë të këtij udhëzimi administrativ, kategoritë e qytetarëve dhe banorëve të liru nga bashkëpagesa dhe me radhë se cilat kategori janë këtu. Ti nuk mundesh me ju marrë pat apo s'pat udhëzim pagesë sespe këta veç janë të liru. Nese i referohemi shtojcë së këtij udhëzimi administrativ, i referoheni gabim. Sepse aty flet për qytetarët që nuk janë të liru dhe nuk flet për kategoritë që janë të liru nga bashkëpagesa. Çështja tjetër është që me drejtorin jemi konsultu që banorët e fshatit Kosuriq apo Çallapek që nuk e gjen ambulancën në Baran të hapur në orën 15:00 vjen në QKMF dhe detyrohet me pagu. Pagan 5 euro dhe ata nuk ja lëshojnë një fletëpagesë qysh duhet por ja lëshojnë një fletë të bardhë të cilën e kam prezantuar disa herë me një vulë të institucioni. Unë mendoj që kjo çështje duhet me u zgjidhë një herë e përgjithmonë dhe shqetësimi i ketyre banorëve, ketyre kategorive me marrë fund.

Znj.Hidajete Krasniqi: për me ju bashkangjitë kërkesës së dr.Zizë dhe dr.Islamin jo me plotësu, po sa here e kam diskutuar këtë çështje problemin e ambullantave dhe konkretisht kur e kam ngritur si problem çështjen e ambullantes në hapjen e ndrimit të dytë, nga drejtori kam marrë përgjigje se nuk ka pacenta dhe për ata nuk mund me hap ndrimin e dytë. Po vijmë në atë pikë kur kam thënë që krijoj kushtet për me pas pacienta e krijimi i kushteve është më së pari me pas terapi. Doktorësh: Zizë potencoj që mos me pas një send elementar në ambullantë siç është një diklofen. Ne e dimë të gjithë që furnizimi është nga lista esenciale por me mbet gjashtë muaj pa një diklofen atëherë është një keqmenaxhim në planifikimin e listës esenciale. Po ashtu një pyetje tjetër për drejtoreshën e pata sa është duke u zbatu procedura standarde operative që është aprovuar nga Ministria e Shëndetësisë para dy viteve dhe aty qartë shkruhet për secilin intervenim që e bënë mjeku apo infermieri. Nuk jam e informuar për shkak se kujdesi dytësor

ende ska përfunduar, por për kujdes parësor është diku para dy viteve dhe janë doracakët e shpërndam në ambullanta. Edhe një pyetje për drejtorinë arsimit që të kem një statistikë nga vizitat sistematike për të gjeturat e problemeve shëndetsore të fëmijëve me të cilat ballafaqohemi.

Z.Petrit Loci: po filloj me pyetjen e z.Feriz, sa i përket çështjes së stomatologut në QMF, aty është i punsuar. Stomatologja që ka qenë aty ka punuar 3 muaj pas lindjes dhe e ka shfrytëzuar të drejten ka marrë pushim pa pagesë, janë mundësit ligjore që ju jep ligji dhe shfrytëzojnë. Sa i përket laboratorit është e vërtetë ajo që të kam thënë dhe besoj deri në fund të javës do të filloj punë laboratorit i ri QMF në Vitomericë. Sa i përket listes esenciale është e vërtetë që ka mungesë të disa artikujve bazik. Ku kjo e bën më të vështirë punën në qendrat shëndetsore në zonat rurale. Ne e kemi pas të planifikuar një kontratë për vitin 2025 për furnizimin emergjent. E kemi zhvilluar si procedurë dhe ne e kemi bërë paramasat e nevojshme nga baranatorja kryesore. Nese do të ishte për një qender do të ishte më e lehtë por bëhet fjalë për gjithë sistemin. Ndërsa sa i përket pyetjes së dr.Islami dhe Labi është çështje e theksuar është udhëtim administrativ. Komiteti për shëndetësi e ka dërgu një kërkesë tek unë dhe do ta përcjellë tek Këshilli drejtues në QKMF. Le ta shqyrtojnë dhe nese e shohin të arsyshëm ta pezullojnë atë pikë nese ka ndonjë mundësi ta pezullojnë, është doren e tyre që të vendosin me tutje si do ta procedojnë.

Znj.Xhenet Syka Kelmendi: nga muaji tetor i vitit 2024 ne kemi pasur gjatë gjithë kohës kontakte dhe kërkesa nga Ministrinë e Kulturës, rini dhe sportë të cilët na kanë detyruar të pregatisim një tender me të gjitha detajet që Ministria e kultures mbase do të na ndihmonte, sespe ka hapur një tender gjithëpërfshirës për tatrot e Republikës së Kosovës. Përpos që nuk ka ndihmuar asgjë vetem jemi mirënjohes që mbas 7 muajve ka gjetur kohën dhe mirësin me të përgjigjet në emailin që tenderi ka dështuar dhe se përseri do të përseritet. Mbase do të përmballemi me faktorin kohë, por ju them me përgjegjësi të plotë që teatri do të bëhet me standarde evropiane dhe aq më tepër do t'i shërbejë edhe më shumë rrugëtimit tonë për diplomaci kulturore, sespe sa më larg të jemi me diplomaci kulturore, aq më larg do të jemi prej integritimeve.

Znj.Vjendita Kelmendi Gërgoci: pyetja ime i drejtohet drejtorit të arsimit. Edhe vitin që lamë pas e kam ngritur çështjen e mungesës së logopedëve në shkolla. Ne çdo ditë hasim në nxënës të cilët kanë probleme në të folur dhe nuk po marrin ndihmë e duhur profesionale. Ketë vitë akademik nga shtatori a do të ketë në të gjitha shkollat logoped sespe ata që janë të punësuar nuk mjaftojnë për të gjitha shkollat e qytetit dhe fshatrave.

Z.Feriz Gashi: drejtorit të shëndetësisë desha t'i them se ju sigurishtë e pranoi të drejten e secilit për me ushtru pushimet sipas ligjit që i takojnë, por banorëve nuk ju intereson shumë kjo. Aty duhet të ketë staf rregullisht sespe edhe ju vet e thatë që aty e frekuentojnë shumë dhe vet e frekuentoj atë qmf, por po shpresoj që ke me na rregullu këtë problem. Për kryetarin një çështje për fshatin Dubovë për kanalin në mes të atyre dy lagjeve Shala dhe Prekaj shumë here nuk e përballon ujin. Ata ujë shpeshëhere po zbrazet edhe në asfalt. E kam pa që është bërë një

interevnim dhe uji që po derdhet shpeshhere po e gryn asfaltin dhe po krijohen gropa.Me ke premtu që ke me rregullu dhe me zgjeru pak atë kanal. Çka u bë tash kryetar? Çka me ju thënë atyre familjeve të cilëve vet ju ke premtuar?

Znj.Hidajete Krasniqi: nuk e di qka është problemi çka është ky injorim nga ana e drejtorit shëndetësor pyetjet që unë i bëj gjithmonë sa i përket ambullantes në Lugun e Baranit asnihere nuk kam përgjigje pse nuk bëhet ambullanta në ndrim të dytë e mos të flas për labrator e stomatologë.

Z.Petrit Loci: absolutishtë nuk bëhet fjalë për injorim sespe nuk e kam në përditëshmërinë teme atë shprehi. Po e theksoj edhe njëhere sa i perket ndrimit të dytë kur është vendosur të bëhet qendra e mjeksësisë familjare në krahe ki drejtoreshen kjo ka inssituuar me u bë me dy ndërrime dhe ka qenë kërtesë. Qendra mjeksore në Raushiq e mbulon gjithë territorinë e Lugut Të Baranit.Pra një pæcenet nga Baranit mundet me u ndal në Raushit për të marrë shërbim deri në oren 19:00, në Br m e mer deri në orën 15:00. Pasi që nr i pacineteve është shumë i madhë që e frekuentojnë qendren në Raushiq, kjo edhe ka qenë arsyeja pse është bërë me dy ndërrime qmf Raushiq dhe ka m jet me një ndrim qmf në Baran.

Z.Naser Gega: Po e di kërkesën e juaj znj.Vjenditë dhe i kam bërë përpjekjet e mia, mirpo problemi është që nuk kemi kapacitete buxhetore , mundësi për me i punësuar logoped nëpër shkolla. Edhe pse nevoja shumë e madhe, ne po duhet me i punësuar me ato mundësi çka u kanë lejuar si asistent për fëmijë me nevoja të veçanta edhe nese në mesin e tyre keëmi pasur logoped me i inkorporruar por jo si logoped për funksionin çfare kishim ata me kry në shkolla sepse nuk kemi mundësi për se jemi të limituar të numirt të punësuarve.

Meqë u shqyrtuar të gjitha pikat e rendit të ditës e propozime tjera nuk ka pasur, kryesuesi z. Rexhep Kurtbogaj e shpalli të mbyllur këtë takim të kuvendit, në orën **12:20 h**.

Video incizimi i këtij takimi të Kuvendit të Komunës së Pejës në kanalin zyrtarë në Youtube.

Kliko: <https://www.youtube.com/watch?v=fuu6o-ZuqNA>

Procesmbajtësja.

znj. Donjeta Morina



KRYESUESI KUVENDI,

z. Rexhep Kurtbogaj